

In Gottes Namen Amen. Zu wissen vnd offenbahr seye
 jedermenniglich / denen gegenwertig Instrument zu: heu: 16
 ien oder hören l: sen vorkommen wird: Das in den Jahren nach
 Christi vnser lieben Herrn vnd einzigen Erlösers geburt 1610.
 in der achter Indiction Römer zinhzat genant / bey Herrschung
 vnd Regierung des Allerdurchleuchtigsten / Großmächtigsten vnd Vnüber-
 windlichsten Fürsten vnd Herrn / Herrn Rudolphen des andern von Gottes
 Gnaden erwöhlten Römischen Kayser / zu allen zeiten mehrern des Reichs in
 Germanien / zu Hungarn / Böhheim / Dalmarien / Croatten vñ Slavonien 2c.
 König / 2c. Erzhertogen zu Oestreich / Herzogen zu Burgund / Steyr / Kärn-
 ten / Crain vnd Wirtemberg / Grafen zu Tyroll / 2c. vnser Allergnedigsten
 Herrn / Ihrer Kay. May. Reiche des Römischen vnd Böhheimischen im fünf
 vnd dreissigsten / vnd des Hungarischen im acht vnd dreissigsten Jahren auff
 Sambstag den drey vnd zwanzigsten tag Monats Januarij newen Calenders
 dennachmittag vmb die vierte stunde / wir vndenbenante Notarien vnd gezeu-
 gen hieselbst zu Düsseldorf auff das Fürstliche Schloß gesordert / vnd daselbst
 in der gewöhlicher Kähestuben beyssammen am Tisch sitzend befunden / den
 Durchleuchtig vnd Hochgebornen Fürsten vnd Herrn / Herrn Ersten Marg-
 grafen zu Brandenburg / in Preussen / zu Stettin / Pommern / der Cassuben
 vnd Wenden / auch in Schlesien zu Crossen vnd Jägerndorff / Herzogen /
 Burggrafen zu Nürnberg / vnd Fürsten zu Rügen / 2c. vnser gnedigen Für-
 sten vnd Herrn / 2c. Neben Ihrer K. M. zugeordneren Räten: Im gleichen des
 auch Durchleuchtigen vnd Hochgebornen Fürsten vnd Herrn / Herrn Wolff-
 gang Wilhelm Pfalzgrafen bey Rhein / in Bayern / 2c. Herzogen / 2c. vnser
 auch gnedigen Fürsten vnd Herrn / 2c. hinderlassene Statthalter vnd Räte /
 Johan Bartholden von Wonsheim Hoffmeister / D. Johan Zeschlin Vice-
 Cantlern / Dietrichen von Syburg / D. Johan Rincken / vnd D. Mar-
 tell Dietrichen / Vnd hat fürs erste der Ehrvest vnd Hochgelehrte Eras-
 mus Moritz / der Rechten Doctor zu vns vnd den zeugen zu reden angefangen /
 Das Hochgedacht Ihrer K. M. auch wolgemelten Herrn Statthaltern vnd
 Räten vor wenig tagen auß zubringung etlicher gedruckter Copieyen vorkom-
 men seye / welcher gestalt vnder dem Namen dero Röm. Kayf. Mayt. vnser
 Allergnedigsten Herrn / 2c. kurz vergangener tage / in der Statt Eöllen aber-
 mahl eine vermeinte Edictal Citation do dato Prag den eilfften Novembri
 nechsterwichenen 1609. Jahrs / auß befehl des Erzhertogen Leopoldi zu
 Oestreich / Bischossen zu Straßburg vnd Passaw / 2c. als angegebenen Kayser-
 lichen

Wachen Commissarij/ durch einen Kayserlichen Herolden offentlich were publicirt vnd angeschlagen/ darinn beyde vnser gnedige Fürsten vnd Herren/ vnd vnder andern acht vnd vierzig Personen/ welche Ihren H. H. mit eyd/ pflicht/ diensten vnd sonsten angehörtig/ auff vngleichen vnd vnwarhafften be-
 richte/ nicht allein Ehrenverleglicher weis an ihren Ehren höchlich diffamirt/ vnd vieler vngebür bezüchtiget/ sondern auch wol vnd gedachte acht vnd vierzig
 Personen dabey beschuldigt/ als solten dieselb Allerhöchstgedachten Kayserl.
 Mandatis zuwider/ solche grobe contraventiones, thätlichkeiten vnd hochstraffe-
 lichen vnghehorsam begangen haben/ das sie dardurch in die straff hochgedach-
 ten Mandaten/ vnd also in die darinn benante peen des Reichs Acht vnd aber
 Acht vnd andere straffen gefallen sein solten/ Dardurch dann Ihre H. H.
 vnd deren angehörtige in der Citation benante Personen/ sich zum höchsten be-
 schweret befunden/ vnd ferner beschwert zu werden sich besorgen müßten/ Vnd
 wiewol Ihre H. H. vor diesem von dergleichen mandatis coram Notarijs &
 testibus verschiedentlich an gebürende örter Appellirt/ vnd also wol vnnörtig
 erachten/ von nechstgemelter Edictal Citation, vnd darin zugesügten beschwer-
 nussen/ abermahl ferner zu Appelliren/ Dannocho dieweil Ihre H. H. der-
 selben Vnderthanen/ Diener vnd angehörtige/ in diesen vnd andern vngebür-
 lichen aufflagen vnd zumutungen zuverthädigen/ vnd ihre vnd der ihrigen vn-
 schuld zuerretzen/ vnd zu solchem ende alle im Rechten zugelassene mitteln an
 die hand zunehmen gnedig gesinnet: So hetten derwegen hochgedachte Ihre
 H. H. wie auch vorgemelte Statthaltere vnd Rähte/ die notturfft auffss Pappir
 bringen lassen/ vnd wolten in krafft eines Appellation zettul/ auff darinn ange-
 zogenen beschwerenussen/ vnd wie dieselb hernächst ferner deducirt werden sol-
 ten/ an gebürende örter Appellirt/ solche Appellation in notam zunehmen/ vnd
 zu dem ende auff erfordern vor die gebür/ eins oder mehr Instrumenta/ in ge-
 bürlicher formen mitzuthellen/ vns requirirt vnd erfordert haben/ Darauff
 wolgedachter D. Erasmus Moriz/ jengemelten Appellation zettul deutlich ver-
 lesen/ vnd nach dessen verlesung abermahl continuando angezeigt/ Ihre H. H.
 so wol auch die Pfalz Newburgische Statthaltere vnd Rähte requiriren vns
 Notarien in beysein vnd anhören der zeugen/ fleißig/ fleißiger vnd auffss aller
 fleißigst/ das wir diese Appellation in notam nehmen/ vnd darüber wie vorge-
 melt/ notturfftige Instrumentum vnd Instrumenta mittheilen wolten: Wan
 dann wir Notarien tragenden Amptis halber/ solcher requisition vnderthänig
 einzuolgen vns schuldig erkennen. So haben wir diesen anaeregten Appellation
 zettul zu vnsern handen genommen/ vnd gegenwärtig Instrumentum loco

Apostolorum Testimonialium, darüber verfügt vnd mitgetheilt. Geschehen im Jahr Indiction/ Kayser thumb/ Monat/ Tag/ Stundt vnd Wahlplat wie vorstehet/ In beysein vnd anhören der Ehrhafft/ Achtbarn vnd wolersahenen Johannen Carls/ Burgermeistern zu Berchem/ Frederici Kecksen Pfenders im Eigen/ Eilmannen Sanders/ vnd Leonharden Königspergers von Antwerpen/ als herzu erforderren glaubhastten zeugen/ Vnd folgt vort erst der inhalt des Appellation zettuls wortlich hernach also:

S Er Durchleuchtige vnd Hochgeborne Fürst vnd Herz/ Herz Ernst Marggraffe zu Brandenburg/ in Preussen/ 2c. Herzog/ 2c. Als vollmechtiger Gewalthaber/ des Durchleuchtigsten/ Hochgebornen Fürsten vnd Herrn/ Herrn Johans Sigismunden/ Marggraffen zu Brandenburg/ des Heyl. Römischen Reichs Erz Cammerern vnd Churfürsten/ 2c. Ihrer K. G. geliebten Herrn Bruders: Vnd in Namen des auch Durchleuchtigen/ Hochgebornen Fürsten vnd Herrn/ Herrn Wolfgang Wilhelms/ Pfalzgraffen bey Rhein/ in Bayern/ 2c. Herzogen/ 2c. in vollmacht dero gleichfalls Durchleuchtigen/ Hochgebornen Fürstinn vnd Frauen Frauen Annen Pfalzgräffinnen bey Rhein/ in Bayern Herzoginnen/ 2c. Ihrer K. G. geliebten Frau Müttern/ heimgelassene Statthalter vnd Räthe/ geben euch hierzu erforderren Notarijs vnd zeugen zuerkennen: Was massen Hochgemeltes Herrn Marggraffen Ernstes K. G. vñinnen vor sieben tagen durch vngehehrliche zubringung erlicher blosser gedruckter Copeyen vnd spargirten zeitungen zuvernehmen vorkommen/ Das vnder dem Namen der Röm. Kayf. Mayt. vnseres Allergnedigsten Herrn/ 2c. wenig tag davorn/ in des Heiligen Reichs Statt Eölln/ an vnderschiedlichen örtern daselbst/ eine vermeintte Edictal Citation. von dato Prag den eilfften tag Novembris des 1609. Jahrs/ auß befehl des Erzhernogen Leopoldi zu Osterreich/ Bischoffen zu Straßburg vñ Passaw/ 2c. als angebenen Kayserlichen vornembsten Commissarijs/ durch einen Kayserlichen Herolden/ öffentlich sey angeschlagen worden/ darin vnder andern beyde Ihre K. G. vnd vornemblich 48. derselben mit end/ pflicht/ diensten vnd sonsten angehörige Gräffliche/ Adelige/ Selehree/ vnd andern Stands Personen/ auß allerhand vnersindtlichen vnd vnwarhastten bericht Ihrer Kayf. May. Reichs Hoff Fischseals/ nicht allein hochbeschwertlicher vnd Ehrverletlicher weis/ vieler vngedür bezüchrigt vnd diffamirt/ sondern auch wol vnd gedachte 48. Personen/ dabey zum hefftigsten beschuldigt werden wollen: Als hetzen gegen Hochgedachter Ihrer Kay. May. vorige Mandata/ sie solche graue same

same vnd abschewliche contraventiones, attentata, thädlichkeiten vnd bösslichen ungehorsam/ auch Rebellion wider dieselb Ihre May. begangen/ dardurch sie ipso facto, in die straff gerürter Mandaten/ vnd also in Ihrer May. vnd des Reichs Acht vnd aber Acht/ auch verlust aller ihrer Haab vnd Güter/ Ehen/ Gnaden/ Freyheiten vnd andere straffen/ ohne weitere erklärungs gefallen/ vnd derwegen Ihre Kay. May. gestracks zur Execution zu Proceediren/ wol befugt sein. Gleichwol doch auff gedachtes Ihrer Kay. May. Hoff Fiscals anrufen/ damit sie sich nicht zubeklagen/ oder der vnwissenheit zuentschuldigen herren/ eine ladung ad videndum se declarari zu end annekirt worden/ mehrern inhalts obgemelter Coppen/ welche also lautet:

Wir Rudolff der ander von Gottes Gnaden Erwöhlter Römischer Kayser/ zu allen zeiten mehrer des Reichs in Germanien/ zu Hungaren/ Böhheim/ Dalmarien/ Croatten vnd Slavonien/ König/ 2c. Erzhertzog zu Osterreich/ Herzogen zu Burgund/ Steyr/ Kärnten/ Krain vnd Wirtemberg Graffe zu Tyrol/ 2c. Fügen den Edlen/ Ersamen/ Gelehrten/ vnsern vnd des Reichs lieben getrewen Phillips vnd Friedrichen beyden Grafen von Solms/ vnd Herrn zu Wingenberg/ Johann Adolphen von Dhaun Grafen zu Falckenstein/ Adamen Grafen zu Schwarzenberg/ vnd Bernharden Duad zu Stammerßheim/ Adolffen Wilhelm von Hall/ Marfilüssen vnd Otten von Palant gebrüdern/ Wilhelm Duad zu Beeck/ Johann Wangelman zu Eulich/ N. Hurdt von Schonegge/ N. von Ahr/ Wilhelm Drimborn zu Durweiß/ N. Müllstroec zu Destorff/ Franz Schmitde im Mülleneiser Burger zu Deuren/ Wilhelm Mockel gewesener Burgermeister zu Deuren/ Wilhelm vom Scheide genant Beschypfenning Aemptman zur Burg/ Godfrid von Steinen Aemptman zu Eulstorf/ Joachimen Wartenstrot der Rechten Doctorn/ Johan Kester/ Adolffen Steinhansen Burgermeister zu Düßeldorff/ Franz Heimbach/ Phillips Wilhelm von Bernshaw zum Hardenberg/ Johan Luining zu Pleess/ Friderichen Wilhelm Herrn zum Broich/ Bernharden Belbrugg zu Lanawis/ Hans Friderichen von Kalsheim genant Leuchtmayr zu Leuchtenberg/ Nicolafen Langenberg Doctorn/ Georg von Heiden zu Schorrad/ vnd Henrich Duad/ Wirtich von Bernshaw zu Angern/ Gerharden von Belbruggen/ Wilhelm Ledebaur/ N. Fuchs zum Doeckel/ Rembold von Kerschenbroich/ Wilhelm von Quernheimb/ Georg Luinnigt/ Baldewein vom Closter/ Johan Dumbstrey/ Hauptman/ Wilhelm von Lohausen/ N. von Erbach zu Dückenburg/ Martheisen Wachtendunck zu Hulhausen/

Hulhausen/ Berlaeten Elq der Rechten Doctor/ Adoff Steingen Doctor/
 Peter Gans Notario publico, Bertram von Lützenrod/ Wilhelm Quad zu
 Zoppenbroich/ vnd N. Knipping von Heyen/ hie mit zu wissen. Demnach vns
 vnser Reichs Hoff Fiscal klagen zuerkennen geben/ Ob wir wol gestracks auff
 absterben Weiland vnser Bettern Herzog Johann Wilhelm zu Süllich/
 vnder dato Prag den zweiten Aprilis jüngst in der Fürstenthumben Süllich/
 Eleve/ Berg/ ic. vnd allen darzu gehörigen Graff/ Herrschafften vnd Länden
 hinderlassenen vnd von vns bestelten Räten vnd Regierungen/ wie vorher in
 vnserm Namen bis auff andere verordnung zu Continuiren keine newerung/
 thätigkeit oder Änderung zugefattet/ sondern alles in dem stand/ darin es bey
 absterben jeggedachtes lezt abgestorbenen Herzogen befunden vnd gelassen/ zu
 erhalten/ auch die Stände der Länden/ krafft deren vor etlichen Jahren auffge-
 richten Union/ keinen ohne erkandnuß Rechts vnd vnser bewilligung vor
 ihren Herrn zuerkennen oder zuzulassen/ ermahnet: Vnd als wir von vnder-
 schiedlichen örtern gläublichen berichte empfangen vnd geklagt worden/ Das
 vnder verschiedene Ehren vnd Fürsten/ auch andere mechtige/ in: vnd außserhalb
 des Reichs gefessene/ so zu diesen Fürstenthumben vnd Landschafften/ sampt
 deren zugehörigen/ der Succession vnd anderer anforderung halber/ aller-
 hand interesse prætendirt/ derselben mit Kriegsgewalt/ vnerwartet einiges
 Rechtlichen außtrags zubemächtigen/ in vorhaben vnd bereitschafft sehen sol-
 ten/ zuverhütung grösserer vngelegenheit/ empörung vnd thätlicher handlung/
 tragenden Kayserlichen Ampts halber/ vnd als dieser Land Lehnherrn vnd vn-
 gezeiffelter vnmittelbarer/ dieser sich erregten streitigkeiten Richter/ ic. criste
 Mandata inhibitoria, bis zu fernerer vnser erkandnuß von allen thätlichkeiten
 vnd anmassungen abzustehen/ in dem stand darinnen es bey absterben des ver-
 storbenen Herzogen gefunden/ oder wir/ als wie gehört/ Regierender Römi-
 scher Kayser/ Lehnherr vnd vnmittelbarer Richter es verordnen möchten/ ver-
 bleiben zulassen/ vnd keine newerung oder vergewaltigung sich zu vnderstehen/
 ernstlich gebotten/ Wie wir auch/ da was de facto darwider allbereit were ar-
 reneirt oder vorgenommen worden/ dasselb von Kayserlicher macht Cassirt
 vnd auffgehoben/ mit angeheffter Citation/ aller der jenigen/ so zuspruch oder
 forderung zu diesen Fürstenthumb vnd Länden herten/ dieselb in zeit vier Mo-
 naten von dato angeregter ladung/ bey vns gebürlich vor vnd anzubringen:
 Wie wol wir auch allen vnd jeden/ Weiland gedachtes vnser Bettern/ Herzog
 Johann Wilhelms zu Süllich/ ic. hinderlassenen Räten/ Beampten/ Die-
 nern/ vnd

nern/ vnd in gemein allen vnd jeden/ in Gältischen/ Clevischen vnd Bergi-
 schen Fürstenthumben/ auch darzu gehörigen Graff: Herrschafft vnd Landen
 eingekessenen Ständen/ Vnderthanen vnd Schutzwandten/ vnder dato
 Prag/ den eilfften Julij jüngsthin/ sampt vnd einem jeden insonderheit/ ernst-
 lich vnd bey peen vnser vnd des Heiligen Reichs Achte vnd aber Achte/ auch
 verliering aller Lehen/ Gnad/ Privilegien vnd Freyheiten/ darinn die Vber-
 tretter ipso facto, ohne einige fernere erklärang gefallen/ das sie ohne vnser er-
 laubnuß vnd bewilligung/ keinen Interessenten/ wer der auch seye vor ihrem
 Herrn oder Obrigkeit erkennen vnd annehmen/ noch demselben einigen bey-
 fall thun/ Huldigen/ oder in ander wege sich beypflichtig machen/ sondern biß
 die Sachen an vnserm Kayserlichen Hoff/ da sie allbereit anhengig/ vnd da-
 hin sie gehörig/ gentslich entscheiden were/ damit in ruhe stehen/ diß vnd kein
 anders thun solte/ als lieb einem jeden were solche peen vnd straff zu vermeiden/
 wie wir auch/ da solchem vnserm verbott zugegen/ vnder dessen allbereit/ es seye
 mit einlaß oder einnehmung eines oder des andern Interessenten oder ihrer
 Gewaldräger/ wie auch durch leistung einiger Huldigung/ oder sonst in
 andere wege liches de facto attentat vnd vorgangen were/ dasselb alles vnd je-
 des/ als an sich selbst nichtig/ eigenthätlich vnd wider Rechtliche attentata cas-
 sirt/ revocirt vnd auffgehoben/ vnd alles in den stand/ wie es nach tödlichem
 abgang offrtgedachtes Herzogen Johan Wilhelms zu Gältich gewesen/ vnd
 sonst durch vns vnd vnser Kayserliche Commissarien angeordnet sein
 möchte/ gesetzet hetten: Ob auch wol zu fernerer handhabung dieser jergberürer
 vnser Kayserlichen Mandaten vnd Gebotten/ damit sich niemand eintger vn-
 wissenheit oder in andere wege zuentschuldigen/ auch hernacher mit der Com-
 mittirten straff gegen den verächtern vnd vbertretern desto ernstlicher verfahren
 werden möchte/ wie vnter jergbesagtem dato/ allen vnd jeden Kriegs Ober-
 sten/ Rittmeistern oder ihren Leutenanten/ Hauptleuten/ Jendrichen/ Befelchs-
 habern/ vnd gemeinlichen allen Kriegsleuten zu Ross vnd Fuß/ wie die Na-
 men haben/ auch was Nation/ Stands oder Würden die weren/ so in vielbe-
 meisten Gältischen/ Clevischen/ Bergischen Fürstenthumben/ vnd darzu
 gehörigen Graff: Herrschafften vnd Landen bestellt/ auffgeführt vnd gewor-
 ben/ oder noch in anzug vnd werbung sein/ vnd darunter ersucht vnd ge-
 braucht werden möchten/ vnd ins gemein allen denen/ welchen solche vnser
 Kayserliche Brieff/ auff verordnung vnserer beß falls verordneten Kay-
 serlichen Commissarien/ oder anderen von denselben darzu verordneten
 Personen/ vorkommen/ insinuir vnd verländet werden/ durch offentliche
 vnd

vnd gedruckte Edicta bey gleichmässiger straff der Achte vnd aber Achte/ darzu
 verlust aller vnd jeder ihrer Haab vnd Güter/ welcher end vnd ort die im Reich
 gelegen/ Auch aller Lehen/ Gnaden/ Privilegien vnd Freyheiten/ so dann re-
 spectivē Leibs straff/ ebensals ipso facto ohne weitere erklärung/ durch die Ober-
 tretter zuverwircken/ ernstlich gebieten lassen/ das in angeregten Fürstenthumb
 vnd Landē/ darzu gehörte Graffschafften/ Empter/ Stätt/ Schlöffer/ Gerichte/
 Pfürgern/ Dorffschafften/ Gebieten/ Land schafften/ nicht allein als gleich vnd
 so bald demselben sampt vnd sonderlich solche vnserē Brieff oder glaubwürdige
 von vnsern Commissarien vidimirte abschriefften verkündet vnd wissend ge-
 macht werden/ ohne allen auffhalt vnd verzug widerumb raumen vnd genzlich
 verlassen/ mit aller gewaltdharen verschonen/ vnd in keine weis feindlich an-
 greiffen/ beleidigen oder beschweren/ Auch sich vorhin/ wie vnd mit was schein
 es von den Kriegsherrn vnd Obersten/ mehr begert oder vorgenommen würde/
 im wenigsten nicht darwider bestellen noch gebrauchen lassen/ sondern wo sich
 vielleicht einer oder mehr derselben ohren ichtes vnderstanden/ dasselbige wi-
 derumb abstellen/ vnd ohne jemannds beleidigung/ neben gebürlicher bezahlung
 aller zehrung/ zertrennen vnd vnsaumig abziehen/ vnd dem nichts anders thun/
 noch vngehorsam sein solle/ Als lieb ihnen vnd einem jeden insonderheit were/
 vorgedachte peen vnd straff zuvermeiden/ wie dann solche Mandata zu Düffel-
 dorff/ eins auff die Fürstliche Cansley/ das ander auff das Rathhauß/ durch
 Notarium vnd gezeugen/ weil man für vnsern derwegen dahin abgefertigten
 Kayserlichen Herold/ zu höchst vnserm veracht vnd despect (dadurch die jenige
 so daran schuldig/ ipso facto crimen læsæ Maiestatis incurrit) die Thor vnd
 Pforten der Statt versperret/ vnd den einzug zu seines Amptes verrichtung
 durch Soldaten mit gewalt verwehret/ In gleichem dann folgendes den
 vier vnd zwanzigsten zu Cleve vor dem Schloß eins/ das ander auff die
 Cansley daselbsten den fünf vnd zwanzigsten alles selbigen Monats/ zu
 Lunen in einer der Haubstatt der Graffschafft Marck auff die Kirch vnd
 Rathhauß/ dann im Fürstenthumb Gütlich/ an vnderchiedlichen ohren/
 als den sechs vnd zwanzigsten zu Deuren vnd Gütlich/ den acht vnd zwanzig-
 sten zu Linnich vnd Randerat/ den neun vnd zwanzigsten zu Warmb/ Beilen-
 kirchen/ Ganget/ Sittart vnd Borne/ den dreißigsten zu Susteren/ Heins-
 berg vnd sonst anders wo wie gleichsals in beyden nächst angelegenen Freyen
 vnd Reichs Stätten/ Eßlen vnd Aach mit gewöhnlichen Ceremonien ver-
 künd/ vorgelesen/ vnd der gebür offentlich affigirt/ laut der deswegen von dem
 Kayserlichen Herolden vnd der Notarien relationen/ folgendes/ vnd wiewol
 von

von dem Hochwürdigem/ Durchleuchtigen/ Hochgebornen Leopolden/ Erz-
 hertzogen zu Osterreich/ Bischöffen zu Straßburg vnd Passaw/ Hertzogen zu
 Burgund/ Graffen zu Tyroll/ 2c. vnserm freundlichen lieben Vetteren/ Sohrt
 vnd Fürsten/ vnd als vnserm fürnembsten in diese Fürstenthumb vnd Land ver-
 ordneter Commissarien fermer befehl vnd warnungschreiben/ angeregten
 Mandatis zugehorsamen/ vnder dato den 28. Julij hernacher aufgangen/ vnd
 allenthalben insinuiert/ So heret sich zwar gebürt/ das solchen offenen/ ver-
 kündten vnd angeschlagenen Kayserl. Mandaten würcklich schuldige parition
 vnd gehorsam geleistet vnd erstattet sein solet/ Alldieweil aber dessen ungeacht
 vnd vnerwogen/ zu sonderlichem vngehorsam/ despect/ vnd verkleinerung vn-
 serer Kayf. Auctoritet vnd Hocheit/ Ihr Philips vnd Friderich beyde Graf-
 fen zu Solms/ euch nicht allein bey beyden/ Marggraff Ernst zu Brandenburg
 vnd Wolffgang Wilhelms Pfalzgraffen &c. in Raht vnd Kriegsbestallung
 eingelassen/ vnd den 16. Junij in die Statt vnd das Schloß Düsseldorf den
 einzug gegen der Rähre vnd Stände bewilligung mit beyden Fürsten gethan/
 Sondern auch hernacher/ Nach dem sich Ihre &c. obberürten vnsern Mandat-
 tis zu wider setzen/ vnd kein gehorsam zuleisten/ Schrift: vnd Mündlich öffent-
 lich vernehmen lassen/ Darauff auch Stätt vnd Schlöffer de facto zu ihrem
 gewalt zubringen/ die Ständ vnd Vnderthanen zutrennen/ vnd sie ihnen an-
 hengig zumachen/ durch allerhand wider Rechtsliche mittel vnderstanden/ Euch
 auff den Landtagen zu Düsseldorf vnd Duisßberg bemühet/ vnd vnser Com-
 missarien in verrichtung ihrer Commission/ in viele weg zubehindern/ vnder-
 fangen/ die Landständ der Bültschen/ Clevischen vnd Bergischen Fürsten-
 thumb/ auch darzu gehörigen Graff: Herrschafften vnd Landen zutrennen/ bey-
 de Fürsten oder ihre Principalen vnsern Mandatis zuwider/ vor ihre Herrn zu-
 erkennen vnd anzunehmen/ denselben vngbürtliche handgelübten zuleisten be-
 wogen/ die zu behuff der Ständ angenommene Soldaten den Fürsten zuschwe-
 ren vnd bezufallen verleitet/ Das Schloß vnd Statt Düsseldorf in deren
 Namen zubewahren/ mit Soldaten besetzt/ davon vnser Kayf. Commissa-
 rien vnd Herold mit gewalt aufgeschloffen/ folgend in alle Bültsche vnd
 Clevische Stätte vnd Gemetnden/ die verbotten handgelübden/ mit guten
 worten vnd schweren berrawungen den armen vnverstendigen Vnderthanen
 abzwängen/ vnd wider vns auffgewickelt/ auch von denen beyden Fürsten in
 allen ihren newerungen vnd vorgekommenen attentaten gegen außrücklichen
 Inhalt vnserer Mandaten bengepflichtet/ allen vorschub vnd hülf ferzeitigt/ Wie
 auch du Wirtch von Daun Graff zu Falckenstein in beyden Ihrer &c. end vnd
 pflichten

pflichten dich begeben/ vnd die Possession des Schloß zu Cleve/ in derofelben
 oder ihrer Principalen Namen eingenommen/ vnd mit Soldaten verwarret
 dergleichen du Adam Graffe zu Schwarzenberg/ zc. Bernhart Quad zu Stam-
 merfheim/ Adolff Wilhelm von Hall zu Gleen vñ Diefternich/ Werner War-
 silius vnd Detto von Palant zu Bredenbend gebrüder/ zc. Wilhelm Quad zu
 Beeck/ vnd Johan Mangelman zu Kürich/ N. Hürt von Schonneg zu Khan-
 fumb Bültscher Erb Marschalck/ den gemeinen Bültschen Ständen ab-
 gerhan/ darauß euch von ihnen zu Commissarien des Fürstenthumbs Bültsch/
 als die auff dem Landtag anwesende andere Räte/ Ritter vnd Stände/ vñ
 des willē/ das sie gegen vnsern befelch die abgeforderte vnzimliche handgelüb-
 nicht/ thun wollen/ wider alle gebür/ vnd hergebrachte der Landen Freyheit ein-
 gesperrt/ vñ zu Düßeldorff wider ihren willen auffgehalten/ vnd zu beyder
 Fürsten gefallen/ der Bültschen Stände/ in krafft ihrer auffgerichteten Union/
 angenommene Soldaten/ ohne gemeinen beschluß/ befehl vnd wissen der Stände
 bemeltes Fürstenthumbs abgedanckt/ vnd in der Fürsten eynd befehle/ zu ein-
 nahm der Schlöffer vnd Städte/ Sinzig/ Euster/ Aldenhoven/ vnd den alle
 mögliche hülf geleistet/ Desgleiche herrest du N. von Ahr zu Patteren/ neben an-
 deren Hauptleuten vñ Soldaten/ Schloß/ Stätt/ Bruckē durchabfall/ in han-
 den beyder Fürsten geliffert/ vnd dich darauß zum Hauptman bestellen lassen/
 Du Wilhelm Drinborn zu Durweß/ N. Wülstroch zu Destorff/ Franz Müll-
 neiser Burger zu Deuren herret die Soldaten der Statt Berchem am vierren
 Augusti nechsthin gleichmessig wegen der Stände ohne befelch abgedanckt/
 vnd den Fürsten sampt der Statt angewiesen. Du Marsilius von Palant aber
 den 8. Augusti die Bnderehanen des Amptes Seilenkirchen auff der Fürsten
 befelch zusamen bescheiden/ vnd in ihre eynd vnd pflichten sich zu begeben/ beredet
 vnd verführet/ Inmassen gleichfals du von Palant vnd andere Deputirte/ mit
 zuthun der Bürger verhindert/ das in der Statt Deuren die Kayf. Mandata
 vnd Patentre nicht auffgeschlagen werden können/ Nicht weniger von die
 Wilhelm Wockel gewesener Burgermeister zu Deuren/ der du dich dan gleich-
 fals beyden Fürsten beygepflichtet/ gesehen/ vnd darüber vornemblich andere
 gemeine Bürger denselben handgelübte zuleisten/ gegen des Raths vnd anderer
 gehorsamen bewilligung inducirt vnd beweget/ auch die Fürsten dahin beruff-
 fen vnd holen/ ferner nach Eustirchen/ Münster Effel vnd Sinzig vergleitet/
 vnd daselbst die Bürger zu gleicher handgelübte antreiben vnd verführen helf-
 fen/ Du Wilhelm von Scheid genant Beschypfenning Amptman zur Burg/

Gorefried vom Stein Amptman zu Lüssdorff vnd Leuenburg/ Joachim Mat-
 rentloer der Rechten Doctor hettet euch zu beyden Fürsten gewandt/ vnd ließe
 euch in den daselbst vorfallenden sachen/ in berathschlagung/ recessiren/ vnd
 verfassung allerhand befelchen/ auch was daselbst sonst vorlaufft/ ohne schew
 gebrauchen/ Vber diß hettest du Johann Kettler zu Aldendorff mit iurhum
 Adolffen Steinhauens der zett Burgermeistern/ vnd Franz Heimbachs dem
 26. Junij die Burger zu Düsseldorf wider die Räte vnd Stände dargestellt/
 auffgewickelt vnd zertrent/ das beyde Fürsten mit allen den ihrigen gegen der
 Räte vnd gemeiner Ständ bewilligung in die Statt vnd Schloß eingelaf-
 sen/ sich derselben bemechtiget/ vnd folgendß ihre besagung darinn gebracht/
 Auch hernacher in verführung der Stände/ vnd abnötigung der handgelübten
 vnd andern vnsern Kayf. Mandaten zuwider euch gebraucht: Wie dann du
 Steinhauens dich gar zum Schultheissen an statt des gewesenen hettest an-
 ordnen lassen/ Du Philips Wilhelm von Bernsaw zum Hardenberg/ Johan
 Lünig zu Pleesch/ Friderich Wilhelm zu Hoen Broich/ Bernhard Belbrug-
 gen zu Langwiltz/ Hans Friderich von Calheim genant Leuchmeyer zu Leuch-
 tenberg/ Niclas Langenberg der Rechten Doctor hette aber nach dem im
 Iusto angeschlagenen letzten vnsern Mandatis bey gemachter trennung der
 Bergischen Ständ/ nach gethanem beysfall vnd der Fürsten geleisten handge-
 löbt euch gleichfals zu Bergischen Deputirten ansetzen/ vnd George von Hei-
 den zu Schönrad/ vnd Heinrich Quaed zu Isengarten zu Commissarien ver-
 ordnen lassen/ Darauff als bald den 29. Julij du Quaed/ Heiden/ von Lünig
 mit etlichen versambleren wolbewehrten Soldaten/ fridbrüchiger weiß das
 Schloß Blanckenberg (inmittelst der Amptman zu Düsseldorf wider sein
 willen/ gleich andern Räten vnd Ständen/ der verweigerten gelübt halben
 auffgehalten) mit Practiken vberstiegen vnd eingenommen/ hernacher am ein-
 vnd dreißigsten selbigen Monats vor Windeck mit Kriegsvolck geruckt/ vnd
 in abwesen/ vnnd gleicher versperzung des Amptmans vnd Pfandhern da-
 selbsten Bertram von Nesselrod/ die darauff gelassene Diener der gestalt
 bedrawet/ vnnd dem Landfrieden zugegen betrangt/ das sie euch in Namen
 der Fürsten das Schloß auffgeben/ einräumen/ vnnd mit derselben Sol-
 daten besetzen lassen müssen. Dergleichen weret ihr vordesagte Philips
 Wilhelm von Bernsaw/ Hans Friderich von Calheim genant Leuch-
 meyr/ vnnd Niclas Langenbera Doctor/ nachgehends durch das Fürsten-
 thumb Berg allenthalben in Stätt/ Flecken/ Aemptern vnd Dorffschaffren
 herum gezogen/ vnnd die Vnderthanen zur Huldigung oder handgelübt/
 keinen

keinen andern Tertium vor ihren Herrn als beyde Fürsten oder dero Principa-
 len anzunehmen persuadir / auch etliche Beampren darzu wider ihren willen
 genötiget / Gleichfalls du Ulrich von Bernsaw zum Angern gethan / vnd dich
 zum Hauptman / du Gerhart von Velbruggen aber zum Fendrich bestellen vnd
 annehmen lassen / darauff ein Fendlein Knecht gerichtet / die Kriegsleut gemu-
 stert / vnd damit Mülheim besetzt / auch dahin Beschütz geführt / vnd andere
 Schlöffer mit Soldaten beleget / auch bis auff diese stund / vngeachtet vnserer
 Kayf. Mandaten / dabey beharret / Wie du auch Gerhart von Velbruggen / auff
 befehl beyder anwesender Fürsten / Gerharten Sauer Windeckischen Land-
 botten vnd Schultheissen zu Dottenfeld / den zwey vnd zwanzigsten Augusti
 schriftlich befohlen / folgenden tags den ihnen anbefohlenen Vnderthanen ein
 gemeine herschawung vber die Kirchen zu intimiren / dieselben auch gemustert.
 Zu ebenmessigen Deputirten vnd Directoribus hettest ihr euch in der Graff-
 schafft Ravensberg bestellen lassen / Wilhelm Edebaur / N. Zuchs zum Bö-
 ckel / Rembold von Kerschenbroich / Wilhelm von Quernheim / Georg Luning /
 vnd Baldewin vom Closter / die ihr alle den Fürsten vnverhindert vnserer ver-
 botts euch vndergeben / mit eyd vñ pflichten beygethan / vnd die Vestung Spar-
 renberg in Namen der Fürsten eingenommen / mit Kriegsleuten angeordnet
 vnd verlassen / wie auch den 16. Augusti du Wilhelm von Lohausen Rittmeister /
 vnd N. Esbach zu Duckenburg / ernanten Rembold von Kerschenbroich zum Ge-
 greffen zu Bileveld bestellet / Ferner seyest du ermelter Wilhelm Edebaur den
 18. von der Vestung Sparrenberg herunter kommen / des Dechanten / Pasto-
 ren vnd andere Geistliche Häuser umblegt vnd bewachen / alle Brieff vnd Se-
 creta durchforschen / vnd de facto besichtigen lassen / Mehr hettest ihr vorbesagte
 Commissarij in Namen beyder Fürsten das Schloß Ravensberg de facto in-
 vadirt / mit Soldaten besetzt / vnd an statt des Amptmans Wenden / so vns ge-
 horsam vnd derhalben kein handgelübe wider vnser befehl thun wollen / Geor-
 gen Luning vñ Baldewin vom Closter für Befelchshaber darauff verlassen / vñ
 denselben die Custodiam anbefohlen / Du Matheus Wachtendunck zu Huls-
 hausen / hettest dich von gedachten beyden Fürsten für einen Kriegsbefelchshab-
 ern im Fürstenthumb Cleve bestellen / vnd in dero eyd vnd dienst eingelassen /
 darauff in beyder Fürsten Namen Legationes auff Brüssel vnd andere ohr / zu
 vorsehung vnd entschuldigung ihrer vnverantwortlichen attentaten vnd vor-
 genommenen thätlichen newerungen gebrauchen lassen / Du Gerlach Elzder
 Nechten Doctor seyest zum Rathgeber gebraucht / hettest auch im Fürstenthumb
 Cleve vnd zu Düsseldorf nicht allein die Ständ wider vns auff zuwe-

eln/zum vngheorsam zubewegen/vnd den Fürsten zuzufallen vñ beyzupflich-
 ten angereiget/vnd allen möglichen fleiß angewendet/Sondern auch zuverhin-
 derung vnserer Kayf. Commissarien vnd des Herolds/ allerhand machintren
 vnd zu werck richten helfen/ wie auch viel Eleyische Stätt zu handgelübren
 mit allerhand einbildungen vnd bedrawungen aufsehender gescheligkeit vnd
 Kriegsgefahr/auff den widrigen fall angeführt. Mehr hettest du Adolff Stei-
 gen der Rechten Doctor vnverantwortlicher vnd nicht bald erhörter weiß dich
 vnderstanden/vnserer zu Düßeldorff an Cansley angeschlagene Kayf. Manda-
 ta abzureißen/ vnd in beysein Petri Gans eines Notarij/ der sich wider vns
 gleichfals gebrauchen/die widerwertige beyder Fürsten vnd vns hochverschme-
 liche Edicta non citra crimen læsæ Maiestatis anschlagen lassen/Du Bertram
 von Lügenrad aber hettest dich nicht allein Eleyischen Raht von den Fürsten
 bestellen/ sondern auch die Eleyische Statt von der bewilligten Vnton abge-
 wendet/vnd zum beyfall der Fürsten beredet/ Wie auch du Wilhelm Quad
 von Zoppenbroich Amptman zu Ringelberg/ dich nicht allein den Fürsten an-
 hängig gemacht/ vnd zu handgelübt eingelassen/ sondern darüber noch andere
 darzu verleyten helfen. Schließlich hettest du M. Knipping zu Heyen/der Ele-
 vischen Ständ Soldaten in der Fürsten eynd gebracht/ In massen alle ihr jetzt
 erzhete beyden Fürsten nicht allein obberürter massen vnd sonsten/ beyfall/eynd
 vnd pflicht gethan/ sondern auch nach den auffgeschlagenen Kayf. Mandaten
 von tag zu tag mehr dagegen gehandelt/ rathen/ verichten/ zu werck stellen/vnd
 je lenger je mehr die Fürsten in ihrem widerRechtlichen vorsatz steiffen/stercken/
 vnd anhezen/auch die Vnderthanen von vnserm gehorsam abführen/vnd den
 Fürsten zuzufallen/verführen helfen/ wie noch. Wann ihr dan sampt vnd son-
 ders durch solche vnd dergleichen mutwillige contraventiones, attentata, thät-
 lichkeiten vnd bößlichem vngheorsam/ auch Rebellion wider vns ipso facto in
 die straff vnserer Mandaten/ vnd also in vnserer vnd des Reichs Acht vnd aber
 Acht/ auch verlust aller ewere Haab/ Güter/ Lehen/ Gnaden/ Freyheiten vnd
 andere straffen/ ohne weittere erklärung gefallen/ vnd soviel mehr/ weil die facta
 nit allein allen Rechten/ Reichs Constitutionen vñ gemeinen Friden zuwider/
 vnd zum öffentlichen Auffruhr/ zerrüttung vnd gemeiner empörung gerichtet/
 vnd also geschaffen/ das mit keinem schein Rechtens dieselbe behaubt werden
 mögen/ sondern auch dermassen Landlündig vnd notori, das keines ferneren
 beweiß vonnöden/ bevorab/ weil dieselbe facti permanentis sein/ vnd bis auff
 diese stund wehren/vnd vnabgeschafft bleiben/ Derowegen wir dann gestracks
 in der Execution zu procediren wol befugt. Gleichwol vnd damit ihr euch nicht

zubeflagen/ oder der vntwissenheit zuentschuldigen/ So hat vorgemelter vnser
 Kay. Hoff Fiscal vns gehorsamst angeruffen vnd gebetten/ euch vorbenante be-
 hartliche Contraventores in solche den Mandatis einverleibte obgesetzte straffen
 der Acht vnd aber Acht/ auch verliering aller ewer Haab/ Güter/ Lehen/ Sna-
 den vnd Freyheiten zum vberflus zuerklären/ vnd zu dem end wider euch Cita-
 tionem ad videndum vos declarari, in gebührender form Edicts weiß zuerkennen
 vnd öffentlich anschlagen zulassen/ inmassen erlangt/ das ihme heut daro solche
 Citation erkent worden. Heischen vnd laden euch derwegen alle sampt/ vnd ein-
 jeden insonderheit von Kayf. macht/ auch Bericht vnd Rechts wegen htemit
 auff den sechs vnd dreissigsten den nechsten/ nach dem euch diß vnser Kayf. Ci-
 tation verkünd oder zuwissen gemacht/ so wir euch vor den erste/ andern/ dritte/
 vnd endlichen Rechtstag setzen vnd benennen peremptoriè, oder aber da derselb
 kein Gerichtstag were/ den nechsten Gerichtstag hernach/ selbst oder durch
 ewere vollmächtige Anwald/ an vnserm Kayf. Hoffe/ welcher enden der die zeit
 sein möchte/ erscheinet/ zusehen vnd zuhören/ Euch vmb ewers vngehorsams/ in
 dem ihr obangeregten vnsern hochverpeenten Gebotten vnd Verbotten ihres
 inhalts nicht gelebt/ vnd anderer oberzelter verhandlung willen/ in die darin be-
 drawete peen/ vnser vnd des Heyl. Reichs Acht vnd aber Acht gefallen sein/ er-
 theilen/ erkennen vnd erklären/ oder aber erhebliche vnd in Rechte gegründete
 vrsachen/ warumb die erklärang also nicht erfolgen solle/ gebürtlich vorzubrin-
 gen/ vnd darüber entscheidts vnd erkantnuß zugewarten. Dann ihr kompt also
 oder nicht/ so wird nichts desto weniger mit angeregter erkantnuß vnd erklärang
 gehandelt vñ im Rechten Procedirt werden/ wie sich das seiner Ordnung nach
 gebürt. Wir setzen vnd wollen auch von mehrberürter vnser Kayf. macht/ das
 diese vnser Kayf. Ladung/ oder glaubwürdige von vnserm geliebten Bettern/
 Sohn vnd Fürsten authentisire abgeschribten/ allen den Gältischen Fürsten/
 rhumb vnd Landen/ oder wo es sonsten S. E. für notwendig erachten möchten/
 also offen Edicts weiß angeschlagen vnd verkündet/ vnd ewer einem jeden/ ob sie
 demselben vnter augen/ oder in die gewöhnliche behausung vberantwortet wor-
 den were/ laden solle. Nach dem wisse sich ein jedweder zurichten/ Geben auff
 vnserm Königlichen Schloß zu Prag/ den Fufften tag Novembris/ Anno
 Sechszehen hundert vnd neunnden/ vnserer Reiche des Römischen im Fünff
 vnd dreissigsten/ des Hungarischen im Acht vnd dreissigsten/ vnd des Böheim-
 ischen auch im Fünff vnd dreissigsten.

Rudolff.

Ad mandatum Sacre Cæsareæ Maiestatis proprium.
 E von Stralendorff.

Got. Herrsch.

Wann nun Ihre FF. GG. vnd deren angehörige Eitree Personen mit vorangezogener Ehrwüriger bezüchtigung/diffamation vnd beschuldigung/sich mercklich vnd zum höchsten beschwert befinden/vnd dardurch ins künstlig fer- ner beschwert zu werden/in sorgen vnd gefahr stehen müssen/Sonderlich dar- umb/dieweil den Rechten vnd der billichkeit ganz vngemeß/das in einer so wichtigen sachen/daran verlust Ehren/Leibs/Lebens/Haab vnd Güter han- get/jemanden der niemahln der gebürt Eitree/wider welchen keine klag vberge- ben/vielweniger er darauff gehört worden/noch einige beweisung oder ordent- liche erkantnuß gegen denselben vorgangen/wie dann deren keines in diesem fall geschehen/ein solch hochnachtheilig vnd vnwiderbringlich præjudicium vnd præsuppositum zugelegt werden solte/das er pro convicto gehalten werden/ vnd es mehr nicht dann an der Execution solte ermangeln. Ob dann wol nicht ohne das Hochernente beyde Fürstliche Gewalthabere von etlichen dergleichen Processen/vñ denselben angehengten Eventual Achts erklärungen/so auch vñ der Ihrer Kay. May. Namen den 6. Novembriß jüngst zu Prag dadirt/wider Ihre FF. GG. geworbene Kriegsobersten/Ritmeistern/Haubt: vnd andere Kriegsleute/dañ auch Beampre/Rähte/Diener/Stände/Underthanen vnd Schugverwandten der Fürstenthumben Büllich/Elseve vnd Berg/vnd darzu gehörigen Graff: vnd Herrschafften/ebener gestalt aufgangen vnd executire worden sein mögen/den 28. nechst verschieenen Monats Decembriß/von wegen Ihrer FF. GG. kundlichen Interesse/mit außführlicher Deduction mehrfals- tigen bestendigen vrsachen zugefügter gravaminum von dero Röm. Kay. May. vnd dero Commissario/hinwiderumb an dieselbe/seu à Cæsare male informato ad melius informandum & committentem, vnd das ganze Römische Reich/ vnd desselben Chur: Fürsten vnd Stände/oder wohin sonst die sache ihrer art vnd eigenschafft nach gehört/salva nullitate. tanquam tertij Appellire vnd Sup- plicire/vermög darüber auffgerichtē Instruments/vñ in sohaner Appellation vnd Supplication zugleich alles dasjenige/was zu darin angeregter sachen ge- hören oder zugezogen werdē mag/mit begriffen: Wiewol auch die in obgemelter Edictal Citation sub & obreptitiē angebene facta, vnd darauff bereit zugefügte vñ ferner besorget hochgefehrliche vñ Ehrverlegliche gravamina, von gedachter nechst voriger Appellation dependire/also das einerley cause gravaminum, inter- ventionis & interesse vorhanden/vñ dervogen besondern Appellirens vñ Sup- plicirens wol vnnötig were/dennach zu oberflüssiger vorsorgen/vnd weil nit al- lein einem jeden so in oder außserhalb Gerichts gravirt principaliter, sonder auch sinem tertio, wegen seines mit vnderlaufsendē interesse/im Rechten zugelassen/

von dergleichen beschwertung zu Appelliren / Wollen mehr hoch vnd gemelte
 Herrn Marggraffen Ernsten F. Gn. vnd Fürstliche Pfalz Newburgische
 Statthalter vnd Käthe / in Namen ihres abwesenden Gnedigen Fürsten vnd
 Herrn / vnd beyderseits Chur: vnd Fürstliche Principalen / die vorige Appella-
 tion repetirt / vnd auß darin vermelden / wie auch vorangezogenen / vnd mehr
 andern vrsachen so zu seiner zeit / bey Rechtlicher Prosecution fernere außzu-
 führen / hiemit vorbehalten werden / von vorgemelten Kayf. Edictal Citacion
 vnd darin zugefügten gravaminibus, sampt allen deren ein vnd zufellen / so wol
 Ihrer F. G. eignen höchsten Interesse halber / als zur schuldiger vnd Fürst-
 lich versprochenener Defension / vertretung vnd schadlos haltung obgemelten
 ihrer angehörigen / so gleichwol mehrentheils abwesend / vnd dieser sachen vn-
 wissend / in vnd mit diser schrift / jedoch mit vorbehalt der richtigkeit / nochmals
 von Allerhöchstgedachter Ihrer Kayf. May. widerumb an dieselb / vnd also à
 Cesare male informato, ad melius informandum, & à Commissario ad commit-
 tentem, vnd an alle Chur: Fürsten vnd Stände des Heil. Römischen Reichs /
 vnd sonst an alle vnd jede gebürliche Richter Provocirt vnd Supplicirt / die
 vorige Appellation vnd Supplication mit dieser / vñ diese mit voriger besterckel
 vnd euch Notarien / fleissig / fleissiger vnd aller fleissigst erfordert haben / Ihren
 F. G. hierüber Apostolos Testimoniales in einer oder mehr offner Instru-
 ments form vor die gebür mit zuthetilen / *salvis alijs quibuscunq; juris remedijs.*

Vnd dieweil wir Johan Daniels / vnd Sibbertus Hulcken / auß Kayf.
 May. macht vnd gewalt offenbare vnd beyder Fürstlicher Gütlichscher vnd
 Bergischer Cansleyen / approbire vnd zugelassene Notarij / bey obgemelten
 Appellation zettulz vbergebung / eingewendter Protestation / Appellation
 vnd andern dingen / neben gemelten glaubhafften gezeugen / Persönlich vber
 vnd an gewesen / dasselb also vor vns verhandelt / gesehen vnd angehört / der
 halb wir dasselb in notam genommen / vnd gegenwertigs Instrumentum loco
 Apostolorum testimonialium darüber gefertigt / dasselb durch einen andern
 ingrossiren lassen / mit eignen handen / auch Christlichem Tauff / Zunamen
 vnd gewöhnlichen Notariat zeichen vnderschieden vnd verzeichnet / Alles
 neben den zeugen herzu sonderlich requirirt vnd erfordert.

Johan Daniels / Sibbertus Hulcken.

LIBER BIBLIOTHECÆ

PERILLUSTRIS ABBATIE

AD S.

MICHAËLEM

ET

ANNONEM

IN SIEGBERG